



ՀՍՍՀ ՄԻՆԻՍՏՐՆԵՐԻ ԽՈՐՀՐԴԻ ՆԱԽԱԳԱՀ
ՖԱԴԵՅ ՍԱՐԳՍՅԱՆԻ ԾՆՈՐՀԱՎՈՐԱԿԱՆ ԳԻՐԸ
ԾԱՅՐԱԳՈՒՅՆ ՊԱՏՐԻԱՐԲ, ԱՄԵՆԱՅՆ ՀԱՅՈՑ
ԿԱԹՈՂԻԿՈՍ ՎԱԶԳԵՆ Ա-ԻՆ՝ ՆՐԱ ԾՆՆԴՅԱՆ 70-ԱՄՅԱԿԻ
ԵՎ «ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ» ԸՔԱՆԾԱՆՈՎ
ՊԱՐԳԵՎԱՏՐՎԵԼՈՒ ԱՌԹՎ


Սովետական Հայաստանի կառավարության և անձամբ իմ անունից ջերմագին շնորհավորանքներ եմ հղում Ձեզ՝ Ձեր ծննդյան յոթանասունամյակի և կառավարական բարձր պատվի արժանանալու՝ «Ժողովուրդների բարեկամության» շքանշանով պարգևատրվելու առիթով:

Քաջատեղյակ լինելով հայ ժողովրդի հերոսական մաքառումներով և ողբերգական դրվագներով լի բազմադարյան պատմությանը, Դուք ազնիվ գործունեություն եք ծավալել ժողովուրդների բարեկամության և շինարար համագործակցության քնազավառում:

Խաղաղության պաշտպանության օգտին կատարած հայրենասիրական Ձեր աշխատանքով Դուք լայն ճանաչում եք ձեռք բերել և խորին հարգանքի արժանացել մեր ժողովրդի կողմից՝ հայրենի երկրում և միա սահմաններից դուրս՝ բարի կամեցողության բոլոր մարդկանց շրջանակներում:

Կրկին ողջունելով Ձեզ, մաղթում եմ երկար տարիների քաջառողջ կյանք ու երջանկություն:

Հարգանքներով՝ Ֆ. ՍԱՐԳՍՅԱՆ



ՀՍՍՀ Մինիստրների խորհրդի նախագահության ուղերձի շապիկը